

INUIT ATAQATIGIIT INATSISARTUNI



28. September 2023

Imm: 130.

Mariane Paviasen

Utoqqalinermi soraarnerussutisiat akileraarutaasarunnaarnissaannut periarfissat pillugit Naalakkersuisut nalunaarusioqqullugit peqquneqarnissaannik inatsisartut aalajangiiffigisassaanut siunnersuut.

(Inatsisartuni ilaasortaq Aqqalu C. Jerimiassen, Atassut)

Inuit Ataqatigiit sinnerlugit siunnersuuteqartoq qutsavigaarput.

Inuit Ataqatigiinni tungaviumik isumarput tassaavoq tamavitta naligiimmik, periarfissaqartinneqarlutalu pisussaaffeqartariaqartugut. Taamaammatt inuiaqatigiisugut amerlanneqisugut aningaasarsionitsinni tamatta akileraartariaqarnerput ingerlasariaqartoq isumaqarpugut. Siunnersuuteqartup nalunaarusioqqusilluni oqariartuuteqarnera ima paasivarput; utoqqartagut akileraarunnaassagaluarpata sunik qanorlu kinguneqartussaaneri misissorneqaaqquneqartoq.

Inuit Ataqatigiinni ilisarnaatigaarput aalajangiinissani inuit atugaasa allanngortinneqarnerinik kinguneqartussani ilisimasat toqqammavigalugit aalajangiisarnerput, aamma uani siunnersuutigineqartumi tamanna atuuppoq.

Siunnersuut akuerineqassappat siunertaata siunissami qanoq kiunguneqassanersoq paasisaqarfigerusussavarput, iluarneruteqqajarparpulli utoqqalinersiat aningaasat tunniunneqartartut tungaviumik qaffaavigineqarpata. Utoqqalinersiat akileraarutaasarunnaassappata isiginiagassat arlaqarput. Nunatsinni inuiaqatigiit agguataarnerat ukiuni qulikkaani tulliuuttumi allannguuteqartussaavoq. Sulisussanillu maannangaaq

INUIT ATAQATIGIIT INATSISARTUNI



amingaateqalereeratta inuiaqatigiinni sulisinnaasut tamaasa pisariaqartippagut. Akileraartussaajunnaarnikkullu sulisinnaangaluartut tunuarsimaartinnginnissaat isigianiagassatta aamma ilagaat.

Utoqqartatta atugarissaarnikkut atugaat assigiinngaat, ilaatigut ullumikkut utoqqalinersiaminnik naammaginnillutik ingerlapput, ilaalli aningaasaatiminnik naammattusaareqalutik inuuniapiloorput, tassanilu sunarpiaq peqqutaanersoq paasissallugu soqutiginaratorujussuuvog.

Eqqaanngitsoorsinnaangilarputtaaq utoqqaat pillugit utoqqaat inatsisaannik suliaqartoqarnissaannik siunnersuuteqarnikuugatta, maanna Naalackersuisut suliaqarneranik kingunilik pinngitsoorani utoqqaat pitsaasumik atugaqarnissaannik siunertaqartussaasoq naatsorsuutigigatsigu.

Tassungalu aamma ilanngullugu Naalackersuisut akileraartarnermut aaqqissuuseqqinnissamik siunertaqarlutik sulinertik ingerlammassuk, tulluartsuoraarput maanna siunnertuutigineqartoq partiinik isumaqatiginninniarlutik ingerlatsinerannut ilaatissallugu. Siunnersuut manna partiit isumaqatiginninniarnermi pingaarnersiunermi ilanngullugu isumaqatiginninniutitut suliarisinnaagaat isumaqarfigaarput.

Inuit ataqatigiit toqqammaviumik isumarput tassaavoq nunatsinni inuttunngeqisumi periarfissat pisussaaffiillu tamatsinnut naligiittariaqartut, akileraartut atarluartarpagut aamma atugarissaarnermi siuarsaaniarnermi atorfissaqartippagut, peqqinnissaqarfimmik, inunnik isumaginninnermi, meeqqatta atuartitaaneranni, sorpassuarnullu atugaraagut.

Taamak oqaaseqarluta Inuit ataqatigiit sinnerlugit siunnersuuteqartup misissueqqusinera aningaasaqarnermut ataatsimiititaliamut suliasanngorlugu ingerlateqqipparput.

Qujanaq